

劉春霖先生楷法









經壹

瓊宮五帝內思上法



常以正月二月甲乙之日平旦沐浴齋戒入室

東向叩齒九通平坐思東方東極玉真青帝君

諱雲拘字上伯衣服如法乘青雲飛輿從青要

玉女十二人下降齋室之內手執通靈青精玉

符授與地身地便服符一枚微祝曰

青上帝君厥諱雲拘錦帔青帟遊迴虛無上晏
常陽洛景九嵎下降我室授我玉符通靈致真
五帝齊軀三靈翼景太玄扶輿乘乘龍駕雲何
慮何憂逍遙太極與天同休畢咽炁九咽止

四月五月丙丁之日平旦入室南向叩齒九通
平坐思南方南極玉真赤帝君諱丹容字洞玄

經貳

衣服如法乘赤雲飛輿從絳宮玉女十二人下
降齋室之內手執通靈赤精玉符授與地身地
便服符一枚微祝曰
赤帝玉真厥諱丹容丹錦緋羅法服洋洋出清
入玄晏景常陽迴降我廬授我丹章通靈致真
變化萬方玉女翼真五帝齊雙駕乘朱鳳遊戲

太空永保五靈日月齊光畢咽天八過止

七月八月庚辛之日平旦入室西向叩齒九通

平坐思西方西極玉真白帝君諱浩庭字素羅

衣服如法乘素雲飛輿從太素玉女十二人下

降齋室之內手執通靈白精玉符授與地身地

便服符一枚微祝曰

經叁

白帝玉真号曰浩庭素羅飛翬羽盖鬱青晏景
常陽迴駕上清流真曲降下鑒我形授我玉符
為我致靈玉女扶輿五帝降軒飛雲羽翠昇入
華庭三光同暉八景長并畢咽炁五過止

十月十一月壬癸之日平旦入室北向叩齒九
通平坐思北方北極玉真黑帝君諱玄子字上

歸衣服如法乘玄雲飛輿從太素玉女十二人
下降齋室之內手執通靈黑精玉符授與地身
地便服符一枚微祝曰
北帝黑真号曰玄子錦帔羅裙百和交起徘徊
上清瓊宮之裏迴真下降華光煥彩授我玉符
百關通理玉女侍衛年同劫紀五帝齊景永保

經肆

不死畢咽炁五過止

三月六月九月十二月戊己之日平旦入室向

太歲六叩齒九通平坐思中央中極玉真黃帝

君諱文梁字摠歸衣服如法乘黃雲飛輿從黃

素玉女十二人下降齋室之內手執通黃靈精

玉符授與地身地便服符一枚微祝曰

黃帝玉真摠御四方周流無極号日文梁五彩
交煥錦帔羅裳上遊玉清徘徊常陽九曲華關
流看瓊堂乘雲騁轡下降我房授我玉符玉女
扶通靈致真洞達無方八景同輿五帝齊光畢

咽炁十二過止

靈飛六甲內思通靈上法

經伍

凡修六甲上道當以甲子之日平旦墨書白紙
太玄宮玉女左靈飛一旬上符沐浴清齋入室
北向六拜叩齒十二通頓服一旬十符祝如上
法畢平坐閉目思太玄玉女十真人同服玄錦
帔青羅飛華之帟頭並積雲三角髻餘髮散之
至霄手執玉精神虎之符共乘黑翮之鳳白鸞

之車飛行上清晏景常陽迴真下降入地身中
地便心念甲子一旬玉女諱字如上十真玉女
悉降地形仍叩齒六通咽液六十過畢微祝曰
右飛左靈八景華清上植琳房下秀丹瓊合度
八紀攝御萬靈神通積感六氣鍊精雲宮玉華
乘虛順生錦帔羅帟霞映紫庭霄帶虎書絡羽

經陸

建青手執神符流金火鈴揮邪却魔保我利貞
制勅衆祿萬惡泯平同遊三元迴老反嬰坐在
立亾侍我六丁猛獸衛身從以朱兵呼吸江河
山岳積傾立致行厨金醴玉漿收束虎豹叱吒
幽冥役使鬼神朝伏千精所願從心萬事刻成
分道散軀恣意化形上補真人天地同生耳聰

目鏡徹視黃寧六甲玉女為我使令畢乃開目
初存思之時當平坐接手於膝上勿令人見見
則真光不一思慮傷散戒之

甲戌日平旦黃書黃素宮玉女左靈飛一句上
符沐浴入室向太歲六拜叩齒十二通頓服一
旬十符祝如上法畢平坐閉目思黃素玉女十

經染

真人同服玄黃錦帔紫羅飛羽帟頭並積雲三
角髻餘髮散之至霄手執神虎之符乘九色之
鳳白鸞之車飛行上清晏景常陽迴真下降入
地身中地便心念甲戌一旬玉女諱字如上十
真玉女悉降地形仍叩齒六通咽液六十過畢
祝如前太玄之文